

հետ պատահած դէպքերի մասին: Քաղաքագլխի պաշտօնակատարը ցաւակցութիւն յայտնեց լրաց հոգևորականութեան քաղաքային ընդհանրութեան կողմից:

— Երեկ յունիսի 2-ին Թիֆլիզի դուման (խորհուրդը) լսեց սեմինարիոյում և նրա շէնքի առաջ լրաց հոգևորականութեան հետ պատահածները մասին և ի նշան ցաւակցութեան ընդհատեց և փակեց նիստը:

— Յունիսի 1-ին Թիֆլիզում տեղի ունեցաւ Քարթալինիայի և Կախէթի գործակալները ժողովը, որը վճռեց դադարել գործակալական պաշտօն կատարելուց մինչև որ չը պարզեն և արժանաւոր կերպով չը պատժեն նրանց, որոնք առաջ բերին մայիսի 31-ի դէպքը: Այս վճռի մասին յայտնեցին նաև ս. էկզարխին: Քարթալինիայի և Կախէթի հոգևորականութեան հետ միացան նաև Բաքուի և Փանձակի նահանգի գործակալները:

Փոխարքայի կողմից մայիսի 31-ի դէպքի քննիչ նշանակուած է գեներալ Ստախովիչ. ազնուականութեան կողմից ներկայացուցին՝ Ա. Ի. Զամբակուրեան Օրբէլեանի, հոգևորականութեան կողմից քահանայից ժողովի նախագահ Քրիստափոր քահանայ Յիցքիշիլիի և քարտուղար՝ Ա. Կանչելի:

Թիֆլիզի հայ հոգևորականութիւնը լսելով մայիսի 31-ին լրաց հոգևորականութեան հետ պատահածները մասին, որոշեց ցաւակցութիւն յայտնել առանձին պատգամաւորութեան միջոցաւ:

## ԲՈՂՈՔԱԿԱՆ ԵԿԵՂԵՑԻ

Ամերիկայի միլիօնատէր Ռաքֆէլլերը 200,000 ռուբլի նուիրեց բարեգործական նպատակով: Բողոքական քարոզիչներին շատերը յանձնաժողով կազմեցին, որպէս զի կարողանային հանրային կարծիք պատրաստել, որ այսուհետև անմաքուր աղբիւրներից բխած դրամը հոգևոր պէտքերի համար նուէր չընդունուի: Այդ քարոզիչներն ասում են, որ «Ստանդարտ Քարիզի ընկերութեան» հետեւած սուղութիւնը այդպիսի պայքարի պէտք ունի: «Քրիստոսի եկեղեցին յորձութեան միջ է, ինչպէս և այն բոլոր առևտրական մեծ հարստահարիչները, որոնք եկեղեցու պաշտպանութեան են ապաւինում»: Պարզ է, որ քարոզիչները յանձնաժողովը դժուար գործ է սկսել: Պ. Ռաքֆէլլերը համարեւ. ամենայն օր առատ գումարներ է նուիրում կրօնական և կրթական նպատակաւ և շատ քչերն են առարկութիւն

անում նրա «աղտոտած դրամն» ընդունելու մասին: Ռաբֆէլ-  
 ւերի բարեկամները կարծիքով «Ստանդարտ Քարիւղը ընկերու-  
 թեան» ուղղութիւնը նոյն է, ինչ որ ամերիկական ուրիշ ձեռ-  
 նարկութիւնները և «աղտոտ դրամի» դէմ խաչակրութիւն  
 կաղմողները մեծ մասամբ նախանձից և անձնական շահերից  
 զրդուած են այդպէս վարւում: Իսկ վիճաբանութեան առար-  
 կայ՝ Քարիւղի իշխան Ռաբֆէլլերն այս ժամուս զբաղուած է  
 քաց դաշտում գնդակ խաղալով և ոչ մի կարևորութիւն չի  
 տալիս յարուցած վիճաբանութիւններին:

